

合肥縣志卷第十一

賜進士出身廬州府合肥縣知縣左輔纂修

兵防志

官弁

廬州營駐合肥都司一員合肥縣城守經制把總一員額外外委一員

駐防梁縣外委把總一員

順治初廬州設守備一員千總一員爲道標中軍駐府城又守備一員千總一員爲六安營駐六安後廬鳳道裁將六安營守備移駐府城原額把總

合肥縣志卷十一 志 一

一員外委把總一員額外外委一員康熙三年總督具題六營駐廬名實不符改爲廬州營雍正十年改設都司乾隆三年添設經制千總一員駐無爲州

外委千總一員駐巢縣隸壽春鎮

按合肥縣爲廬郡倚故兵防兼郡言之歷稽往古無可分晰唐初曰府兵廬州設中都督府後改淮南道節度使宋初曰禁軍廬州忠節軍一宣毅軍一威果軍三慶歷後增置廂軍廬州曰威邊曰揀中騎射又有水軍曰壯武曰寧順元鎮守各路者曰萬戶府有上中下三等廬州屬下萬戶府明制

自京師達於郡縣皆立衛所外統之都司洪武初  
合肥設立千戶所後廢成祖時改設廬州衛衛設  
指揮使指揮同知指揮僉事各一員隸京中軍都  
督府

兵丁

城內馬戰兵二十四名步戰兵三十六名守兵七十  
四名

梁縣汛守兵二十五名

龍塘三墩派河歇馬三河坡岡店埠路口護城八斗  
嶺向道舖石香爐岡石梁鎮十三汛每汛守兵五名

共六十五名

西山驛吳山廟宗家店三汛每汛守兵三名共九名  
東北二路塘撥守兵十八名

以上馬步戰守兵共二百五十一名 國初原設  
額兵五百名康熙三年改設廬州營汰兵三百名  
十二年守備李化巳因汛廣兵單詳請增兵一百  
名又陸續裁汰四十五名乾隆三年增馬兵五百  
戰兵十二名守兵五十名共存馬步戰守兵三百  
二十二名乾隆十九年抽調守兵六名貼防六安  
營霍山縣汛乾隆四十七年通省各營共裁兵二

百名添撥壽春鎮廬州營分添十九名又裁汰隨糧三十名共三百零五名乾隆四十八年增戰兵八名守兵四名共三百一十七名除撥駐無爲州巢縣外合肥存兵數如右

軍裝器械

帳房二十頂

金蟒大旗六桿

小旗三十桿

紅旗六桿

馬隊前鋒旗十桿

合肥縣志卷十一

志

三

紅旗二桿

馬兵青布刻絲鐵盔甲二十九副

弓箭步兵鐵盔甲九十三副

鎗兵鐵盔一百四十頂棉甲一百四十領

藍布夾號袍八十八件

牌兵青滾衣二十二身

腰刀一百二十二把

籐牌二十二面

牌刀二十二把

烏鎗一百四十桿

鉞斧一百四十把

戰箭五千三百五十枝

紅衣砲三位 蓋三個 架三座

過山鳥二位 架二座

劈山砲二位 架二座

竹節砲二位 蓋二個 架二座

子母砲一位

附子砲  
五個

架一座

號砲七位 蓋七個 架七座

火藥二千一百觔

砲藥三百觔

合肥縣志卷十一

志

四

鉛子一千二十六觔

號帽二百八十三頂

號馬褂二百八十三件

鑼鍋二十口

鍬鋤斧各二十共六十把

各兵騎操馬二十九匹官自備經制馬八匹

軍餉

都司俸薪蔬菜紙張等銀每年一百四十一兩四錢

養廉銀每年二百六十兩喂馬銀每年五十兩四錢

共四百五十一兩八錢

把總俸薪銀每年三十六兩養廉銀每年九十兩喂馬銀每年二十五兩二錢共一百五十一兩二錢外委把總養廉銀十八兩

以上各員銀兩俱隨軍餉於安徽布政使庫按兩季支領故并志入

馬兵二十四名并外委把總額外外委二員共二十六名每名每月支餉銀二兩喂馬銀一兩五錢米三斗

步戰兵三十六名每名每月支餉銀一兩五錢米三斗

合肥縣志卷十一 志 五

守兵一百九十一名每名每月支餉銀一兩米三斗以上馬步員名兵餉存合肥縣庫廬州營按月支放米亦按月支給遇閏增加小建扣除一日

每年公費銀五十三兩

每年買馬九匹每匹價銀十三兩九錢七分除解皮臟銀一兩實十二兩九錢七分共銀一百一十六兩七錢三分

每年鉛藥銀三十兩七錢五分內鉛銀五兩二錢五分製造火藥硝磺炭工等銀二十五兩五錢

每年賞恤兵丁紅白事故銀一百兩

一遞解餉犯等差每兵按日給銀三分年終彙數  
以上五款銀俱同軍餉於安徽布政使庫支領  
鐵盔鐵甲四十年請造

凡一切軍裝器械俱二十年請造